



城北集卷第五

錢塘

高士奇

古今體詩共五十八首

卷五正凡起至三十一止

八日

暖風駘蕩入初春物候驚看客舍頻挑菜又逢今歲
節題詩欲寄草堂人繭中細纈爭探巧勝裏輕幡更
鏤新誰道衡門幽興少自傾綠螿勸佳辰

答吳蒼符人日過飲客齋用家常侍人日寄

少陵韻

令節誰能過草堂偶來佳客倍思鄉椒盤柏酒同君
醉堤柳溪梅暗繫腸走馬探春都不預流年一擲關

城北集卷第五

千慮殷勤且復飲今朝莫問此身在何處歲歲頻驚
上苑春看君丰采離風塵好花須待芳菲節剪綵鏤
金任俗人

送何崑亭官建寧

聽罷驪歌酒易醺爭看車馬去紛紛彩毫重結江郎
夢鍊笛應穿嶺上雲石竺煙深紅荔晚龍泉雨過碧
芽芬

宋時取龍泉水造茶入貢

燈市竹枝詞

晴和愜稱上元天靈佑宮西列市屋蓮炬星球張翠
幕喧聲直到地壇邊

先農壇都人呼為地壇

又

紫黑貂裘七寶鞍
鬧叢叢裏要先看
鰲山一盞千金
價止博華堂五夜歡

又

堆山插水米家燈
摹仿黃徐顧陸能

京師米燈用鏡線插成
山木人物花草觀以細

絹粘貼其上加以道
染幅幅如舊人畫

愈變愈奇工愈巧
料絲圖書更新興

近日

丹陽料繅燈仿宋
元畫册愈覺雅麗

又

鴉髻盤雲插翠翹
葱綾淺鬪月華嬌
夜深結伴前門

過消病春風去走橋

正月十六日夜京師婦女行遊街市名曰走
橋消百病也多著葱白米色綾衫為夜光衣

又

火樹銀花百尺高
過街鷹架搭沙

即杉木
名沙

篙月明簾後

城北集卷第五

二

燈籠錦字字光輝
寫鳳毛

月明簾燈籠錦皆盒子內放出者最後
有五夜漏聲催曉箭詩全首字如斗大

光焰熒熒
良久方滅

又

百物爭鮮上市誇
燈筵已放牡丹花

京師燈節牡丹芍藥
已開皆從額室中出

春羅菑同梨脆

立春後競食生羅菑名曰咬春
中街市猶有賣者高呼曰賽過脆梨

處處辛盤食

韭芽

黃芽韭初生
最為美品

春日雜咏

寂歷輕煙色盈盈
着柳絲燕巢新社日
鶯語落花時

多病慵書卷閒情
寄酒卮晚來風不定
莫向小牕吹

又

九載逢寒食飄零
對杏花故園不可見
渺渺思無涯

麥粥和餉冷榆煙出樹斜可憐京洛客詩酒負年華

又

野外風光好游情寄祓除提壺覽卉物臨水羨禽魚
芳草微沾席浮萍乍點渠永和懷軼事蘭渚是吾廬

又

靈雨滋芳樹殷雷起半宵寒輕還入座水淥未平橋
爲惜韶光晚因添逸興饒堪憐堤上柳垂碧萬千條

又

去歲尋芳處題詩到海棠今來花尚發不減碧雞坊
薄暈連朝酒低垂半面妝倉庚如有意來往近東牆

南園看海棠

城北集卷第五

三

長安十丈紅塵路箝節難覓看花處寥落城南五畝
園年年花滿園中樹蜀種垂絲碧葉輕嫣紅向曉低
含露小榭朱闌曲折迴花時長把金鈴護舊事曾聞
韋寺遊壺觴今向慈仁駐

韋公慈仁二寺皆京師海棠盛處

此地由來車

馬稀沙鷗野鷺閒忘機十年客裏頻一到主人愛客

如渴飢花朝上已好天氣興酣百棹觥船飛今年主
人適南服花開寂寂依華屋蹋雨重來叩竹扉繁枝

密盡偏芬郁宣盞龍團手自烹窺簾蛺蝶閒相逐細

細看花花有愁似嫌主人汗漫游秦淮煙柳揚州月

莫學西川一笑留

昌黎劉生詩越女一笑三年留

送沈融谷再遊粵東

落盡楊花春晝遲問君驅馬欲何之短衣重觸蠻鄉

雨蠟屐還尋碧落詩韶州碧落洞多唐宋人題咏苑外啼鶯愁送別嶺

南芳草寄相思長途莫歎逢迎少八詠風流更有誰

又

潦倒相逢感舊遊况聞三疊迫離愁漫將濁酒傾燕

市待把新詩慰隴頭荔子林深紅雨合枕榔亭暗碧

煙浮到時為問參軍好時鮑子韶先往粵東山色湖光入唱酬

西湖鏡閣歌

西湖湖水連天碧萬頃琉璃浸山色翠幕青旗映遠

空層厓疊巘爭奇特曉霧輕籠二月天桃花含露柳

含煙金羈寶勒遊春騎烏榜蘭橈載酒船酒船游騎

城北集卷第五

四

紛爭逐鶯筦鵲絃聲斷續但飾歌亭鬪綺羅誰支傑

閣供遐矚我昔曾從湖上遊錢塘門外有高樓檻前

細浪千鱗蹙檻外雲霞一掌收聞說當年全盛日風

流文沈時時集鏡閣親經待詔題文衡山書嶺花香流水傳

遺筆又文文述書流水花香四字愛客無過閣裏人吟牋茗碗娛秋春

批風抹月屏俗慮雲房竹塢無纖塵我聞此語輒徒

倚欲往從之森煙水幾載悲歌作浪遊相逢忽在長

安市客舍蕭條春莫時落花寂寂柳絲絲與君細話

家山好筇屨邨醪繫夢思

送王古直還西湖

倦遊詞客賦歸歟麥雨槐風四月初一片遠帆青草

岸兩峰高閣白雲廬還家好倚滄浪懼得句休忘京
洛書自爲萊衣勤陟屺非關鄉思在鱸魚

又

早歲自憐輕作客于今始恨識君遲相逢乍飲金臺
酒惜別空歌南浦詩古渡草深煙莽蒼平橋風細水
淪漪殷勤寄語湖山道我尚萍飄未有期

爲葉訶菴編修題書

正是江南曝麥天米囊花畔敞高筵筠籠小摘茄瓜
美此味難爲何侑傳

又

菜根滋味嘗來久自愛蔬香署小園試向畫圖尋野

臧北集卷第五

五

趣風條雨甲總偏反

古藤書屋歌贈何藁音侍御

蒼藤天矯雙盤曲碧葉長條蔭書屋聞是吳江相國
留駕湖御史今新築小檻迴廊窈窕通疎花卷石高
低簇過雨初添几簟幽侵晨靜映簾櫳綠四月清和
花始開退朝纔自柏臺回尊彝古鼎列四壁酒徒詞
客相趨陪珍羞錯沓餽玉椀清歌宛轉催金罍御史
風華開突與霜威赫赫傾樞要餘事偏工魏晉書酒
酣落筆稱絕妙蜀繭吳綾箋浣花揮來宛與蒼藤肖
秋蚓春蠅未足云用意縱橫難測料子客金臺八九
載對花自嘆塵容改每到花繁許恣看垂垂紫豔驚

蓓蕾吏部當年有此花折旋千尺枝紛拏傳自延陵
手親植凌霜沍露還槎枒志載吏部堂右古藤十丈爲吳文定公弘治六年手植卽今懷
古不可見此藤蜿蜒更堪羨直幹膠枝勢鬱葱長安
名輩爭題徧媿我狂吟殊未工年年但願追芳燕

退谷歌

年年跨馬長安道風塵何處堪幽討北地時聞吏部
名致身獨向煙霞早掩關著述開鴻濛結廬愛此蒼
山中萬怪睢盱騰筆底五色照爛扶桑東杖藜選勝
依林麓石壁鐫書題退谷上結雙亭俯碧流幽巖邃
壑園珍木六月能令暑氣徂春來幾處叢花竹我肯
經勸未忍還白雲黃葉滿柴關柴關日落多歸鳥明

城北集卷第五

六

月淒清動客顏一椽得借山中佳每對林巒愜幽素
紫桂空懷招隱心青衫幾被浮名誤五侯門外喧鳴
騶炙手摩肩不得休綠野平泉已蕪沒移文甘使北
山羞先生落落眼光大日對青山供晏坐卷却平生
開濟心閒吟笑彼東山臥

德勝橋西荒圃明成國公適景園也堂後古
槐尚存

老幹虬枝布綠陰根頭怪石尚崎嶇古堂射圃依稀
在蔓合空庭一徑深

午日小集

薰風拂拂晝簾垂榴葉榴花映酒卮躡柳不隨走馬

社泛蒲聊與故人期曾傳舊事邀蘭浴空憶新恩侍
水嬉節候關心惟一醉汨羅千古杳難追

又

香鞦繡鞞徧康衢風景驚看盛帝都聞闔乍頒長命
縷人家爭買赤靈符不聞畫舫笙歌沸且喜清尊少
長俱共向支公探妙理平生潦倒負江湖

時蒼林在座
故七句及之

避暑于佛寺贈熊山人

相逢蕭寺悲歌日擊筑同傾濁酒卮玉笛數聲無限
意悠揚况自月中吹

又

小簾疎簾過雨時嵩陽松雪誤前期青鞵我亦飄零

城北集卷第五

七

久澤國蒹葭有所思

同蒼林苑北人家看荷

散步湖汀惜景光遠山缺處見殘陽翻風碧葉千行
亂過雨紅蕖一片香望裏雲煙驚變滅移時鐘磬動
微茫十年羸馬長安客對此渾疑是故鄉

又

涼生薄暮葛衣輕徙倚溪橋興轉清結伴正同方外
契看花翻動客中情鳴蛙似鼓聲聲急新月籠雲隱
隱明幾欲留題滿墻角却慚靈一已詩成

飲歸雲堂

此地宜高會城陰曲徑開當軒叢竹樹拂石亂莓苔

涼水又簫香清荷葉杯招攜情不厭晨夕得頻來

又

好客能投轄開尊許納涼停杯疎雨過倚檻晚蓮香
嘉果欣時薦芳肴訝未嘗莫辭歸路賸盤礴典方長
同蒼林晚坐納涼

徙倚夕澄霽林端起濕煙花開深戶外人散暮堂前
洗慮鑒明月忘懷對碧天坐來清漏永吟興託林泉

又

露氣却炎暉新涼透綵衣寒蛩初入砌積翠已成圍
嫩擘蓮房碧甘嘗馬乳肥多君作鄰並晨夕得相依

雨後過蒼林

城北集卷第五

八

清晨涼雨過紫陌淨塵氛城上青山映人家綠樹分
出門尋古寺倚檻看歸雲幾日秋期近憑高話夕曛

早秋

晚天新雨歇爽氣下觚稜節候驚何早田疇喜漸登
吟蟲迷亂草弱蔓倚枯藤歲歲東門客徒教霜鬢增
送喬石林舍人歸柘溪草堂

今代喬先達雄文久著聲相逢方此日惜別已深情
御柳含煙重庭梧下葉輕論詩無限意漂泊慰平生

又

暫返金門轡言歸舊草堂登臺翳林木倚棹俯滄浪
飭美秋堪釣禾新晚正嘗白雲勞悵望不是傲冠裳

嚴蓀友見過

窮巷疎秋氣難逢佳客來
高言殊世好濁酒盡深杯
鹽豉家風澹黃花節候催
隔林涼月好遮莫玉山頽
秋夜與鈞贊叔話故園

客舍蕭條坐夜分可能相見不成醺
芙蓉露冷鄉心切砧杵風來旅夢聞
依戶近傳多茂竹先君植竹今已成林承家且喜有能文今歲吾家弟姪多有赴試者何時蓑笠安閒去伏臘仍隨弟子羣

穆公兄再至都門不數日還里

十載緇塵染素衣故園兄弟見時稀
重來共醉黃花節送別難堪白鴈飛
野岸香稭今漸熟草堂深柳竟

城北集卷第五

九

成圍

草堂溪畔垂柳乃先君手植

可憐一賦長楊後幾憶家山未得歸

得謾苑兄蜀中書

萬里蠶叢路時來一紙書
深情託遠道佳句慰離居
夔府清秋暇京華過鴈初
相思同此日江月漾空虛

又

遙憶成都客三年得壯遊
雨連巫峽暗風落白鹽秋
懷古相如宅籌邊諸葛樓
依啼屬清夜浩蕩起鄉愁

送李西淵

征鴻聲斷小陽天燕市分攜思黯然
醜酒方期歌伐木論交何敢說
忘年盧溝殘月籠歸騎揚子春風送客船
好向鬪閭城上望漁燈幾點五湖煙

送編修徐公歸崑山

襖被蕭然出鳳城，青門祖帳有諸生。
霜寒驛館聞雞唱，月落澄江過鴈聲。
去國依然懷玉陛，還家非爲憶尊羹。
新羅一盞歌三疊，不道秋郊是別程。

送湯公牧

北風正蕭瑟，遊子欲何之。
極目飛鴻遠，還家匹馬遲。
荒煙生大陸，夕照下流澌。
茆店孤檠側，蒼茫自咏詩。

又

執手難爲別，一杯壯爾行。
野橋寒日薄，高樹暮雲橫。
霜橋香堪摘，河魚美可烹。
歸裝伴元禮，定使旅愁輕。

時與西
澗扁舟

答柯寓匏

城北集卷第五

十

紙窗竹屋夜蕭然，葑火松鐙照不眠。
忽訝煙雲生几案，恍疑山水瀉琴絃。
愧無白璧酬新句，愁對清尊是別筵。
相逢幾回逢歲晏，把君詩卷過寒天。

陸翼王別號菊隱索詩

欲種寒花幾百區，金英絕勝碧雲腴。
逢人便索東籬句，却對西風客帝都。

又

西晉文章說陸機，高懷早已拂塵衣。
夕餐分得湘潭種，不向青山歌采薇。

冬日宿牛舫同蒼林作

世外敦交道相親獨有君過從時夜半茶熟每論文
霜氣寒偏厚風聲靜不聞永懷丘壑意隨地可爲羣

又

燈影暗幢幢疎星逼小窻夢隨鄉思遠狂爲道心降
寒犬驚深巷孤帆憶大江投閒堪避世支許豈云雙

登千佛寺霽望樓

兀兀終朝懶不勝題橋有志歎無能故山歲晚歸難
定高閣晴來每一登飲啄愛看林下鶴蕭閒邨及寺
中僧松枝豆蕪催年近苑外冲冲聽鑿冰

京師過臘月八日則藏冰每于

半夜鑿取

歲暮

城北集卷第五

十一

寒日昏昏催短景尖風剗地捲蘆聲街坊不打催年
鼓泉布爭求警夜鉦老幼飄零悲寄食廟堂消息議
徵兵

時有滇南叛信將議興師

且將濁酒消殘臘坐待橫波斬巨鯨

又

夜半軍聲動夢魂起來危坐倚牆根風中鐵騎驚荒
巷月下金戈過華門幸免池魚遭失火幾延林木恨
云猿

十一月廿一日別全斌家屬將謀作亂是夜二鼓巷旅卒至賊黨計窮自焚其居不得脫遂盡擒之余寓僅隔一卷勢甚危延

灰燼亭臺盡明日經過瓦礫屯

除夜口號

爆竹無聲臘已除

是年禁爆竹

家人圍坐樂安居夜深記把

桃符換三尺紅箋手自書

又

隨俗香燈答上天酒漿澆祭舊詩篇春風五鼓微微
動吹亂簷頭挂彩錢

京師新年競以五色紙剪鏤花文
黏于戶牖名曰挂錢亦剪彩遺意

城北集卷第五終

城北集卷第六

錢塘 高 士奇

古今體詩共五十一首

甲寅正月始至
乙卯三月止

新歲

郊原寒未斂冰雪積遙天不見梅花發誰將栢葉傳
羽書馳臘日刁斗動春前時事艱難裏清宵忍醉眠
人日小集

二三朋好在聊此勸佳辰披幌寒威勁圍鑪暖氣新
懶裁金作勝莫厭酒沾脣燕市同爲客相看情倍親
病中雜咏

長安積雪滯花期御柳千行未吐絲苦憶江南風日

城北集卷第六

好溪桃山杏禁煙時

又

曉窻病起怯春寒藥裹熏鑪送日殘柳眼花鬢慵未
展困人天氣太無端

又

曾有先人五畝居稻畦麥壟尚堪鋤早知微祿供人
笑悔不耕田且讀書

又

清泉小研寫黃庭委巷無人戶獨局幾日落花寒食
近東風不放草芽青

又

潦倒浮名愧折腰，祇宜山澤伴漁樵。
鳴雞何預卑官事，也著芒屨趁早朝。

東謝青索畫

與君相見渾閒事，別去懷君轉寂寥。
病裏更思鄉國好，筍羹麥飯度花朝。

又

我家溪畔柳如煙，社雨花風布穀天。
顧頽年年歸未得，煩君添寫上江船。

摩訶菴看杏花

青郊路轉見芳菲，日暖園林燕子飛。
別圃乍驚山杏落，僧厨新煮藥苗肥。
繁花舞蝶迎人面，細草輕煙上

客衣更向層臺高處望，千峰螺黛送春暉。

春盡

春色闌珊已十分，落花飛絮漸紛紛。
愁腸欲共丁香結，往事空傷蔓草裙。
紫燕呢喃簾不卷，金猊鬢鬢麝初熏。
追歡幾惜韶華晚，脉脉閒情對暮雲。

寄鄧孝威

南嶽高人隱姓名

五代鄧郁有高節隱于衡山號南嶽先生

無雙亭畔獨吟行，爲

文已變揚雄體，定論能追沈約評。
有客歸當三月暮，因風寄與十年情。
江花江草空相憶，愁聽枝頭谷鳥聲。

無題

繡鞅瓏璵大道東五銖衣薄怯湘風玉盤芍藥春煙
細鏡檻芙蓉曉日融慢撚秦箏欵釧雀小梳吳髻隱
釵蟲明環翠佩無消息腸斷相逢洛浦中

送藍謝青

送子還鄉邑閒居度歲華艱難辭故舊潦倒別天涯
岸柳千重合河流一道斜飄然抱書劍五月有浮槎

又

薰風初被物苑樹已成陰刺眼新蒲碧迷人芳草深
十年仍作客兩別總關心酒濁須教醉離情恐不禁

徐氏水軒次韻

高館宜臨水披衣足受風堤長連樹碧渚淺墜蓮紅

城北集卷第六

三

嫩藕登清饌新醅沽滿筒但能隨所適何必往來同

松間夜坐

林端來宿鳥雨後啓禪扉鏡展蟾蜍濕星繁熠燿飛
涼生藤竹簟露冷薜蘿衣聞寂宜清夜明燈坐漏稀

六月十二日雨

晝雨冥冥合炎天破鬱蒸卑栖積行潦小檻墮垂藤
乞米誰堪向買山貧未能四郊禾黍滿漸次報年登

雨後

西山浮翠靄鄰樹借陰森曉起開軒坐微風動素襟
避人成散懶用拙得閒吟欲覓行游處蟬聲已在林

避暑于佛寺書般若經答蒼林

臨池耽暇日清迥愛閒房雨漬蒼苔滑陰添貝葉香
貯泉顛洗研留客更支牀至理應無住憑君發廣長
對月

空林澄暑氣清影動牕櫺古鏡纔開匣寒泉未瀉瓶
添衣防重露倚戶數繁星無限沈冥意低徊終夜醒
體空上人招飯香積

旁舍多高侶時來飯一麻新鮮旋摘豆甘美慣蒸茄
淳樸風疑古幽偏地不譁歡然檐下坐綠樹捲晴霞
六月二十一日遂清堂觀雨

雨氣欲來雲四塞煙霧蒼茫迷頃刻掣電驚雷動四
壁冥冥漠漠晝昏黑恍疑三峽波濤翻崩騰澎湃勢

城北集卷第六

四

莫測又如廬山響瀑泉檐牙高挂飛流直此時空堂
人不來疎簾半卷無纖埃須臾水漲平荒臺小紅歷
亂隨縈洄高槐古柏生翠色低枝弱蔓俱摧頽四月
五月天亢旱苦熱朝朝望雲漢垂龍嗜睡喚不醒稻
塍蔬圃勞溉灌六月以來多陰霖毋迺又欲成滄漫
少焉風輕雨亦微林外天青雲忽斷吁嗟歲月真轉
軸閉門散帙過炎伏郊原禾黍待秋風人生何用頻
蹙蹙

立秋

涼思忽微動秋聲向夕聞感時傷短翼伏枕念同羣
濕月弦初上孤蛩語未分明朝良會近坐看斗牛文

七夕過半舫

過雨添秋色閒尋祇樹林新涼生臥榻舊事話穿鍼
卉小叢朝露雲輕澹夕陰支機那可問銀漢冷沈沈

中秋

一片清輝映碧紗天邊誰為碾冰車光搖古瓦微生
浪色借輕雲亂吐霞萬里關河懷故舊十年塵土滯
京華荒林愁對烏三市夢繞山中紫桂花

宋均窑瓶歌酬蒼林

古來陶器崇樸質瓦甕土缶無奇特越窑傳自李唐

開陸唐書詩六九秋風露越窑開奪得
今人得其碎片雅具偏從趙宋多錦邊白定嫌芒棘勅使

皆以裝飾玩具雅具偏從趙宋多錦邊白定嫌芒棘勅使

城北集卷第六

五

新窑建汝州熊熊瑪瑙流光澤宋以白定有芒不堪用命汝
州建青窑器以瑪瑙末為油

江邵局襲故京澄泥范土何輕明燒成惟獻至尊用

鄭重特以官窑名南渡後邵成章提舉後苑號邵局法政和開
京師舊製各官窑進奉之物臣庶不敢用處州

二章巧更過生一新典百坡破南主時處州龍泉章生一生二
各主一窑凡陶者為哥弟陶者

為龍泉足此可銀色哥窑多斷
紋名百坡破更見重于世

播近來織美說宣成麗彩寒芒照四坐寶椀雞缸盤

積音紅市中論價稱奇貨雞缸寶燒碗珠砂盤最
為稀級價在宋徽上僧寮偶見

雙耳瓶黛色濃澹光泠泠異哉均州舊時造幾經兵

燹猶完形蒼公為言出內府亂離遺棄等塵土當今

所寶惟蒸民焚裘裂錦輕圖譜不爾搜求焉得存此

物早同簋簠尊宣和間內府尚古器
搜求民間無敢隱者禪家本意絕貪愛贈君

持去娛朝昏雨過秋天白露時小齋威威涼颼吹題
詩燈前記佳話紙窻木榻生陸離京師地鹵艱花木
花開花謝空寒燠得此大足消清愁殷勤滿插東籬
菊

九日同令聞夜過寒濤閣

木落天高夜氣澄林巒迢遞罷攀登笑人脫帽追嘉
會招弟看花謁老僧漏下輕寒侵白袷吟餘斜月隱
青燈可堪一悟浮生理想欲賦悲秋得未曾

鄰樹軒夜坐

荒林撼撼晚風尖聽徹蟲聲客思添漫道有懷悲宋
玉只愁無句補江淹鴈排短陣初橫塞菊吐寒芳乍
入簾惆悵驚烏栖不定擬將心事問冰蟾

城正集卷第六

六

九月望同蒼林夜話

木葉蕭蕭露氣溥中庭人靜袷衣單半輪涼月當牕
見萬里秋空倚杖看去鴈關心憐久客栖烏無意得
常安夜良不寐耽幽興坐聽城頭擊柝殘

成容若索予近詩書以答之

深巷蓬蒿日閉門時勞書札問寒暄羈栖自笑潘懷
縣曠達終慚謝叔源那有新聲誇北里空餘舊事憶
西園知君不淺吟秋興側帽垂鞭過野邨

宿寒濤閣

霜林颯颯動西風寒氣初添此夜中窻紙暗搖雙樹

黑團蒲坐對一燈紅秋殘尚見東籬菊心靜惟聞北
闕鐘經歲幾回能放逸自知身不及飛鴻

又

隔鄰精舍得幽探佛火僧厨每共參乍喜地爐溫竹
榻忽驚天籟下松龕桁檀影靜通禪意鈴鐸聲清破
夢酣不信長安車馬地却攜鉞鉢傍瞿曇

鄭文溪自大梁寄詩見懷約歲暮入都

何事遊梁客經時去未歸天長來鴈字秋盡老荷衣
道路愁多梗煙霞願每違可憐涼月好兩地眇清輝

又

故人零落盡客舍轉無聊遠涉憐投佩微名笑續貂

城北集卷第六

七

詩題淇水上手握歲寒朝相隔城東北追攀路不遙

聞巖蓀友至潞河

郭外春寒別天邊人素稀忽聞君北至驚見鴈南飛
水落汀蘆冷霜輕畦菜肥殷勤貯美酒計日款荆扉

新年雜書

東郊簇仗報春歸古巷荒齋興不違邀客共傾新歲
酒娛親還著少時衣青蒿黃韭登盤嫩彩燕銀幡入
髻飛十載長安風景孰夢回江國是耶非

又

千行寶炬鳳城隅入夜仍聞擊柝呼不見蹋歌隨馬
去空教傳座倩人扶臺司驗氣來青鳥邨落迎年卜

紫姑可惜九逵明月滿放燈曾似舊時無

時以用
停止放燈

又

飄泊流年黯自悲更深獨醉酒盈卮連朝荆楚應宣
捷昨日燕京又遣師微賤莫論天下事疎狂忍負歲
芳時梅花落後東風暖岸柳汀蘭繫所思

又

太液冰開節暗催一時歌舞罷樓臺中和未沐金錢

賜

時懸停百
官餐錢

閭里誰遺百穀來

二月初民間用青囊遺百
穀瓜果種曰獻生子故云

着柳風

光偏澹蕩裝花天氣故徘徊杏煙榆火清明近愁見
郊原戍婦哀

紅橋篇

城北集卷第六

八

紅橋女兒顏如玉霧鬢雲鬟好妝束十五盈盈竟體
蘭雙蛾淺畫宮螺綠初學秦箏譜鳳皇乍拈斑管寫
鴛鴦嬌癡不解相思字嫵弱偏過姊妹行綺窻繡戶
春風裏時人休比常桃李未肯輕隨柳絮飛等閒不
逐游絲起三月三日天氣和相邀女伴蹋青歌歸來
瞥被王孫見住幃停鞭情較多王孫結客崇意氣殷
勤不惜千金質鳳尾文綾剪作裳鴿頭火錦裁成被
油碧迎來夾道看罽輪十隊送長安香含豈蕊春猶
淺露浥芙蓉曉正溥交龍小袖輕衫窄昨夜蜂黃新
退額斗帳流蘓百寶裝雲屏珊瑚枕熊鬚席綠幙紅燈
宴正頻當關客不報平津峰營野蜜花房暖鶯啄含

桃露顚勺江頭繡翼欣初比誰道恩情判溝水可憐
園繭但成絲豈有安榴能結子長眉拂拭鏡鸞羞白
露無情團扇秋惟餘玉筍千行泪日向紅橋橋下流

曉入西山

不負山行興芳菲正此時曉煙添柳色暖靄上花枝
遠日千峰外幽尋十日期關關聞鳥語飲啄最相宜
登玉皇閣高頂

捫蘿登絕磴野坐酌山泉巖樹新成拱溪花早欲然
登臺憐此日下榻記當年流浪虛韶景丹砂莫可傳

乙巳歲曾
讀書其下

清明燕集黑龍潭酬何蕤音侍御

城北集卷第六

九

城南草色已芊芊輕暖輕寒禁火天着眼芳菲催令
節放懷歌咏集羣賢撥醅共泛紅螺滿墜釣初嘗紫
鬣鮮向晚倚樓還騁望幾行楊柳習新煙

又

長安車馬紛無數誰省看花與客期柏府風流耽暇
日蘭亭天氣憶當時深潭渺渺龍歸久古閣沈沈燕
語遲正是鳳樓春欲老醉中偏記玉溪詩

再至摩訶菴看杏花

舊識招提路今還結伴來到門清磬發留客野園開
嫩草閒侵坐繁香暗落杯祇林風日好列席且徘徊

又

啟慢供高眺能停長者車風流看大令

王子可讀
書卷中

幽賞

憶尚書

王敬哉先生前一日遊此題詩壁間

老樹花全發新條柳半舒偶游

耽服逸禮法任迂疎

又

韶光寒食後春服却初成小徑閒飛蝶深林早聽鶯
午餐香饌美晴愛百花明莫惜歸鞍晚須教樂事并
葉叻菴司成招同塗止山巖蓀友孫愷似小

集花下

春殘花底獨開尊坐挹清標比玉溫晴日暖風還蕩
漾叢條細蓋故翩翩鮮鱗脫筍疑飛雪野菜堆盤爛
煮根滿眼流光催短髮從判一醉倚南軒

贈徐方虎庶常

城北集卷第六

十

青田有孤鶴躑躅棲寒燕丹頂苦未成形質非華腴
長鳴嘯匹儔得與威鳳俱羽儀雖莫同意氣自相得
警露當寒宵悽然念疇昔高岡孰云邈寸心本不隔
我道有升沉不渝在金石

何槩音侍御招同武昔嶧山天自錫鬯恂若
謾苑集刺梅園

白日每欲徂青春景將暮駕言遊郊荆朋儔聊坦步
周覽羣木秀俯愛纖草布張組向名園徙倚矚芳樹
紫茸被遠阡綠葉暗荒圃豁爾瑩心神壺觴生野趣
意愜感已深撫景始知誤良辰豈蹉跎花驄須暫駐

引滿各盡歡獻酬亦交互
翩然念栖遲歲月屢虛度

城北集卷第六終

城北集卷第六

七

